



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. LXVI. Calamitosissima Hipponis post D. Augustini mortem inuasio.

urn:nbn:de:hbz:466:1-42857

conquirere, & hac tam necessariâ supellectile, domum Dei abundanter instruere.

Tales ferè sunt ij qui Seminaria plantant, Bursas instruunt, & ex religioso coetu ij qui fidem Orthodoxam sedulò promouent: addo etiam qui eisdem Religiosis domos extruunt. Hi enim omnes quàm optimè de Ecclesiâ merentur, & præ reliquis mortalibus, instar huius eximij Antistitis, laudem præcipuam reportant.

*Quomodo
utiliter fa-
cultates ex-
pendantur.*

CAPVT LXVI.

Calamitosissima Hipponis post D. Augustini mortem inuasio.

FVIT vrbis Hipponensis ab Augustini morte longè miserrima facies: Vandalis namque coronâ totam cingentibus, non aliud ciues manebat, quàm extremum excidium, quod denique secutum est ingenti hominum strage, Ecclesiarum clade, & diuini Numinis contumeliâ. Hostes enim continuos in ciuitatem assultus facientes, ciuibus quamquam fortiter, frustra tamen obnitentibus, illam inuasere decimoquarto mense, quàm obfessa fuit; iidemque non sexui, non ætati pepercerunt vlli, barbarâ immanitate quosuis trucidantes. Antistites Episcopi que Ecclesiarum quotquot

*Vandalorū
in Hipponenses fu-
ror.*

Z 3

ibi

ibi simul inuenti sunt, non habitâ ratione dignitatis, aut annorum, fœdum in modum carceribus mancipati. Eosdem barbari, tamquam veri hostes nominis Christiani & Catholicæ Religionis, omnibus ornamentis Pontificalibus spoliarunt, & vt secum reputare quiuisset, indignè admodum vexauêre.

Bonifacius Comes, in defensione ciuitatis strenuè pugnans, occiditur; nobilissimi milites turpiter in seruitutem rediguntur, matronæ fœdè habitæ, virgines ingenuæ stupratæ, pusiones efferrâ crudelitate rapti ab vberibus eiulantium matrum: in vicos & plateas eiecta cadauera sepulturâ carebant;

Luctus ubique, paupor, & plurima mortis imago.

Sacra profanis permiscet.

In summâ, non erat genus crudelitatis, quod in afflictam ciuitatem, (quod innumeri homines confluxerant, quod esset maritima & fortissima) impij Vandali non exercerent. Monasteria vtriusque sexus, quæ ibi numerosa erant ob eruditionem & sanctitatem D. Augustini, vastabantur, sacra vasa polluebantur & humi iaciebantur, sacrosancta ridebantur, erantque sic æquata solo hæc omnia, vix vt pristinæ dignitatis vestigium appareret. Verùm in tot scel-

leri-

leribus est res vna digna miratione; quòd,
cùm hæretici nostri temporis, ac præsertim
Caluiniani, Diuorum reliquias canibus ob- *Caluiniste*
iiciant, aquisque demergant; nihil horum *Vandalos*
Ariani isti, quantumuis efferi ac impij, com- *impietate*
misisse legantur in corpus S. Augustini: *vincunt.*
quod intactum & immune ab omni mili-
tum petulantia, demum in Sardiniam, ac
inde in Italiam est translatum.

CAPVT LXVII.

*Prima sacri corporis D. Augustini translatio
in Sardiniam.*

IN eadem crudelitate alij atq; alij persti- *In Append.*
terunt, vsque ad Trasamundum, qui, te- *Chronic.*
ste Chrysorario, gaudebat ac exultabat fu- *Eutropij.*
so cruore Episcoporum & Sacerdotum. Eius-
dem erant omnes deliciae, ceu modò Cal-
uinianorum, extirpare Catholicam Reli- *Sigebert.*
gionem; imò eò processit crudelitatis, vt *& Marian.*
Patricios homines ac Episcopos ducentos *Scot. in*
viginti quinque in Sardiniam exules relega- *Chron.*
rit. Qui cùm fugam maturarent, curante
in primis D. Fulgentio Ruspensi Episcopo,
Ordinis S. Augustini, sanctissimi Parentis
sui corpus, adiunctis compluribus aliorum
Sanctorum reliquiis, quæ indies adhuc ibi
reperiuntur, vnà deportare secum propo-

Z 4

suere.